

Үндэр ургаса үдэр бүрийн оролдолгооо

ЭРХЭ БАЙДАЛДАНЬ ТААРУУЛАН

Хара-Шэбэрэй "Родина" гэжэ хамтаралай ажыхинхид ерэхэ жэлэй тарилгын орооһото ургамалнуудай үрэнэ хүрэнгэ бэлдэхэ, сэбэрлэхэ хэрэгтэ ехэхэн анхарал хандуула. Хамта дээрээ эндэ 11000 центнерһээ бага бэшэ хүрэнгэ шэнэ жэлэй хабарай тарилгада хэрэгтэй юм. Бүри намар, сагай уларилай дулаан байха үедэ ажахыда 6000 центнер шэниисын, үшөө 3500 центнер обёосой орооһон наринаар сэбэрлэгдэжэ, тусхай складта оруулагдаа нэн. Наяхан тэрэнээ хуу шалгуулжа, харюусалга ехэтэй энэ хүдэлмэригээ дүүргэбэ.

Тус ажахын агроном Т.Г.Фурсоватай хөөрөлдэхэдэ, үрэнэ сэбэрлэхэ хүдэлмэри үнгэрэгшэ октябрь нарада үдэр бүри хоёр халаанда ябуулагдажа, ЗАВ-20, үшөө КЗС-20 түхэлэй тусхай агрегадууд жэгдэ хайнаар, бүтээсэ ехэтэйгээр хүдэлгэгдөө юм. Эндэхи складта үнинэй хүдэлдэг механикууд Хамид Бикмулин болон Геннадий Дешин ехэ оролдолго гаргаа. Хоёр халаанда 8 эхэнэр, тэдэнэй тоодо Т.П.Черных, Е.И.Сафаргалина, Н.М.Варфоломеева болон бусад хайнаар ажаллажа гараа гэжэ ахамад агроном тэмдэглэнэ. Эндэ баһа хүрэнгын орооһо шэрэнэн ажахын жолоошод Валерий Гарипов Георгий Варфоломеев хоёрой урагштай ажалыс баһал


дурдахаар.

Иигээд лэ энээгээр үрэнэ бэлдэхэ хүдэлмэри дүүрэггүй ааб даа. Хабаршаг тээ дулаан болоходонь, эдэнэр үнөөхи үрэнһээ амбаар, складаа дахин гаргахы, дулаасуулаха, үшөө дахин шанарыень дээшэлүүлхэ байһаниинь элитэ.

Тиигэжэ орооһото ургамалнуудай эрхим шанартай үрэнэ жэл бүри тарилгадай ашаар Хара-Шэбэрэй таряашад үндэр ургаса хуряажа абана. Жэшээн, байгша ондо гансал сагай уларилай муу, гандуу байһанһаа боложо, багашаг, бүхыдэнэ 36,3 мянган центнер таряа хуряагаа юм. Гэбэшье энэнь гектар бүхэнэй 17,9 центнер болоно. Ондоогоор хэлэхэдэ, ажахын таряашад энэ дүнгөөрөө аймаг соогоо хоёрдохы хуурида гараа.

Гэхэтэй хамта, эндэхид жэл бүри иматгал өөһэдн, нотагжуулагдаһан сортын таряанай үрэнэ тарилдаг. Тусхайлбал, шэниисын "бурятская-34", "лютеценс-937" гэжэ сортнуудын бусадһаа үндэр ургаса үгэдэг байна. Гадна жэл бүхэндэ эдэ сортнуудыг хэлгэжэ, өөһэдн гөө, нотагайнгаа онсо эрхэ байдалда тааруулан, шэнэ сортнуудыг шалган абана.

В. ШИРДАРМАЕВ.



ХҮРЭНГЭЭ БЭЛДЭНЭ

Хизаарлагдамал харюусалгатай "Эдэрмэг" хамтаралай директор Донгит Дамдинович Дагбаевтай уулзажа, ажал хэрэг тухайнь мэдэжэ абаха зорилготой ошоходомнай, бага, ехэшье наа ажахыс хүтэлбэрлэжэ байһан хүн сүлөөгүй, ажалынгаа хэрэгээр нэгэ тээшэ ябашан байба. Ажалын байрада ондоо хүншье үгы. Тээд мүнөө энэниие хэн буруушаахаб? "Олон тарбаган нобшоодо хүрэхгүй" гэжэ үгэһөө удхатай урданай

томо ажахыда үдэ бологор контородо хүн таһардаггүй, хүдэлмэритэйшье бэшэ наа, һони һорьмоһо шагнахаая ерэнэн үбгэд тамхилжа хуудаг гэһэнэ нэн.

Эдэрмэг хууринай зүүн захада оршодог орооһонийнь складта ошоходомнай, орооһо таряа арилгадаг, шанаржуудад машинанууд эндэ тэндэ хүдэлнэ. Тэдэнэй хажуугаар олонхинь эхэнэрнүүд туха сүлөөгүй бүгтэгшэдэнэ. Тус ажахын директорэй орлогшын болон

орооһоний складые даагшын үүргэ дүүргэдэг Ц.Ц.Санжиевтай уулзажа, "Эдэрмэг" хамтарал тухай хөөрүүлбэди.

—Совхозойнгоо тараагдажа эхилхэдэл, 1991 ондо иймэ нэрэтэй ажахы болоһон гэшэбди. Мүнөө 32 хүн хүдэлнэбди. 50-яад моритой адуун гээл даа. 10-аад гахайтай, мүн тэрэ зэргын үхэртэй байнабди.

250 гектар сабшалантайбди. 1200 центнер үбһэн абтанхай. Байһал малдамнай гүйсэд хүрэхэ байха.

Валерий Дышинбалович Гуншинов, Василий Федорович Гостев, Гунгар Гутанович Гомбоев гурбаннай энэ намарта таряагаа комбайндажа, 4000 центнер орооһо хуряагаа. Тобшолбол, 3270 центнерын сэбэр шэниисэ, 730 центнерын малдаа эдлуулхэ орооһоний холисо.

Мүнөө Г.В.Бальчинова, А.Ч.Доржиев, С.С.Нимаева, С.Э.Эрдынеев гэгшэд хойто жэлдэ тариха, хүрэнгынгөө орооһо сэбэрлэжэ, шанаржуулжа байна, — гэжэ Цырендоржо Цыдендамбаевич хөөрөө нэн.

Т. НИМБУЕВ.

ЗУРАГ ДЭЭРЭ: Цырендоржо Санжиев ажал дээрээ.

Авторай фото.

ОПОННЕ ГАЙХУУЛҮН ҮБГЭЖӨӨН

Лаврентий Мартемьянович Трифонов олон жэлдэ "Искра" колхоздоо экономистаар хүдэлжэ байһаһаад, наһанайнгаа амаралтада гарахын урда тээ гэнтэ "намае луговод болгыт" гэжэ правленидэ гуйлта бариба.

Дулаахан конгторо соо хүлхэ гаргангүй саарһан дээрэ хууха ажалтай аад, энэмнай гэнтэ юуидэ луговодой яар ажалда орохоёо һанаа юм? Экономист луговод хоёрой салиншыс тэмээн ямаан хоёртол адли илгаатай юм бэшэ аал гэдэжэ зон гайхалсаа нэн.

Тиигэжэ тэрэ үнгэрэгшэ хабар Павлово гэжэ газарта 150 гектар сабшалан даажа абаад, хамсыгаа шамаан хүдэлжэ ороо. Үглөөгүүр бүри эртгэлэн морёо тэргэлээд, хүрээ, хүхээс, заа-зуу эдихэ юумээс шэрээд лэ сабшалан руугаа яарадаг болобо. Саһана й хайлажа, түрүүшын найрамай урдажа эхилхэхээ хойно газараа уналжа захиалаад,

бүхэли май, июнь соо тэрэнэ хэдэ дахин ундалуулаа. Зупай эхээр дуһалшыс бороо ороогүй, халуун, хуурай байхада, Лаврентий Мартемьяновичай сабшалан уһаар таһалдаагүй, жэгдэхэн хибэс шэнги үдхэн ногоогоороо илгаран харагдажа эхилэ.

Июль соо үбһэндэ оролгон болоходо, хүнэй бүһэдэ хүрэмэ гэхээр үндэр ногоон эндэнь эбхэрэн дөлгилжэ байгаа. һүүлдэнэ бүхы ногоонийнь сабшагдажа, хуряагдажа абтаад байхадань тоолоходо, А.М.Трифоновэй сабшалан дээрэнэ гектарай дунда зэргээр 40 центнер ургаса хуряагдажа, хамта 6000 центнер үбһэн хүрилгдөөд байба. Тиигэжэ тэрэ нотагайхидаа үшөө дахин гайхуулаа.

Энэ газарһаа һая наашадашыс иимэ үндэр баян ургаса абтаагүй байгаа. Эгээл бараг һайн жэлдэ

гектарай 28-29 центнер үбһэн лэ абтадаг бэлэй.

—Би эндэхи газарыс һайн мэдэхэб. Юрэдөөл хүсэ, хүлхэ гамнангүй хүдэлөө, ёһотойл һайнаар уһалаа наа, ургаса абтахал зэргэтэй гэжэ һанагша һэм. Тиимэхээ туршаад үзэхэ гэжэ шиидэһэн хүм, — гээд, Лаврентий Мартемьянович хөөрэнэ. Саһань иигэжэ нэмэнэ: —Гансахан уһалууряар жэл бүхэндэ үндэр ургаса ургуулхань бэрхэтэй. Аргагайл наа, минеральна үтэгжүүлгэ оруулха, заагагүй шэбхэ таряаха, мүн бусад агротехническэ хүдэлмэри хэхэ хэрэгтэй.

Мүнөө луговод сабшалан дээрээ саһа тогтоохо, тонон халыха хүдэлмэри хэхэ эхилэнхэй. Иигээд хабаршаг тээ шэбхэ гаргуулха һанаатай.

С. ТЮЛЮКИН.

Тарбагатайн аймаг.

Буряад Республикын Арадай Хуралай

ТОГТООЛ

"УЯЛГАТА МЕДИЦИНСКЭ СТРАХОВАНИИ БУРЯАДАЙ ТЕРРИТОРИАЛЬНА ЖАСЫН 1996 ОНОЙ БЮДЖЕТ ТУХАЙ" БУРЯАД РЕСПУБЛИКЫН ХУУЛИ ТУХАЙ

Буряад Республикын Арадай Хурал нигэжэ тогтооно:

1. "Уялгата медицинскэ страхованиин Буряадай территорияльна жасын бюджет тухай" Буряад Республикын Хуулиие баталаабаха.

2. Гараа табижа тунхаглахын тула заагдаһан Хуулиие Буряад Республикын Президентдэ эльгээхэ.

Буряад Республикын Арадай Хуралай Түрүүлэгшэ М.И.СЕМЁНОВ

Улаан-Үдэ хото

1996 оной сентябриин 25.

Буряад Республикын Хуули

УЯЛГАТА МЕДИЦИНСКЭ СТРАХОВАНИИ БУРЯАДАЙ ТЕРРИТОРИАЛЬНА ЖАСЫН 1996 ОНОЙ БЮДЖЕТ ТУХАЙ

Статья 1. Уялгата медицинскэ страхованиин территорияльна жасын (саһана жасын) 1996 оной бюджетые олзо оршын талаар 159267,2 миллион түхэритгэ, гаршын талаар 157267,2 миллион түхэритгэ баталаа.

Статья 2. Жасын 1996 оной бюджетэй олзо оршо удаада зүйлнүүдхээ бүридүүлгэдэхэ гэжэ тодорхойлох:

Table with 2 columns: Description of budget items and Amount (in million). Items include 1996 January 1st balance, insurance premiums, federal insurance fund, etc.

Статья 3. Жасын бюджетэй мүнгэ зоориене 1996 ондо удаада зорилгонуудта ябуулха:

Table with 2 columns: Description of insurance fund uses and Amount (in million). Items include medical insurance, territorial insurance programs, etc.

Статья 4. Уялгата медицинскэ страхованиин территорияльна программада Буряад Республикын районууд, хотонуудай һомологдохо мүнгэнэй хубаарине 1996 ондо дүн хамта 138182,0 миллион түхэритгэ байхаар баталаа.

Table with 3 columns: Region/Location, Total Amount (in million), and Insurance Fund Amount (in million). Lists various districts like Barguzinsky, Baidaryn, etc.

Статья 5. Тус Хуули албанай ёһоор хэблэгдэһэн үдэрһөө хүсэцдөө орохо.

Улаан-Үдэ хото

1996 оной сентябриин 25.

Буряад Республикын Президент А.В.ПОТАПОВ



байхан Тамара Васильевна Баханова тэрэ 50 миллиони "Тоонтын" хүтэлбэрилэгшэ Цыпилма Батурова даамжуулангүй, тэрэ үедэ филармониин "Сэлэнгэ" ансамблин дарганар Америкэ ошохо

гээр хөөрөлдэжэ, зугаалжа, мэдээшьегүй байтараа Хабаровск хүрэшэн байгаади. Харгыемнай мүнгэ зөөрээр, эдэе хоолоор хангаһан фирмэнүүдтэ баһа аргагүй ехэ баярые хүргэнэбди. Жэшээлбэл, Дымбрыловтэнэй гэр бүлын ансамблда эдэе хоо-

хоолоор, ууха сай, кофёор, хэрюун ундаар (үшөөтихэдэ шампанска, хуурай болон хара архи дурадхана!) хангаба, тиихэдэ гэнтэ авариде оробол, бээе хамгаалгын, абаралгын жилет хайшан гэжэ үмдэхэһөө эхилээд тэдэнэр хуу хөөрөжэ үгэбэ.

Францискын дардам харгыгаар гүйлгэдэбэди, сайбар үнгэтэй гоё найхан хоёр дабхар гэрнүүдтэй урилдажа байһандал ханагдана. Нэгэ машиныень Виктор үбгэниинь нүгөөдыень хамганиинь жолоодоно. Бидэ сонхонуудаарнь элдэб мэдээсэл - урянуудтай байшангуудые, магазинуудые, ноб ногоон ургамалнуудаар халбаржа байһан үйлсэнүүдые, хүн зониие һонирхон хараһади.

Түрэл нютагһаа гаража, хариин оронуудай хүн зондо буряад арадайнгаа уран бэлиг, дуу, хатарнуудые шагнуулжа, харуулжа, уг унгиингаа, эхэ хэтынгээ урданай хубсаһа, гутал, малгай үмдөөд, гоё найхан шэмэг зүүдхэл, гайхамшагта дархашуулай бүтээһэн хутага, хэтэ сахюур зүүгээд танилсуулжа, Буряад орон, Байгал далай тухайгаа хөөрөжэ ерэхэ гэнэн гүн удхатай ехэ үүргэ бии. Республикымнай фольклорно ансамбльнууд, нэрлэбэл, "Лотос", "Магтаал", "Тоонто", уран найханай болон мэргэжэлтэ бусад коллективүүд энээнине дүүргэнэ гэшэ. Нүүлэй үедэ арадай аман зохёолой шэмээшгүүдэй (Ехэ-Хунилын, Тарбагатайн, Улаан-Үдын), ород арадай (хасагуудай) - "Забавы" болон бусад бүлгэмүүд хаа хаанагүй, мүн орон дотороо фестивальнуудаар ябана.

ЗАМАЙ ТЭМДЭГЛЭЛНҮҮД

"ТООНТО" АНСАМБЛЬ АМЕРИКЭДЭ

Июнь нара соо аяар хоно Америкын алдар суурь үзэсхэлэн найхан Гагарин олтирогой Гонолулу хотодо үнгэргэгдэхэ "Take music" гэнэн уласхоорондын фестивалда Улаан-Үдэ хотын мэриин соёлой талбай дэргэдэхэ "Тоонто" ансамбльнай (бүхы Росси хошоо ганса ансамбль) урилдаба. Тэндэмнай урилдаһан ансамбль тухаймнай танилсалгын ялаганаһан долоноһон гэрэл туяагаар мэдээсэлэй үгэнүүд үзэгдэжэ байгаа. Гонолулу хотодо маанадта туһалһан Татьяна Тиваненко энээн тухай мэдээсэлэ хэн. Нэгэ бага гээгдээшье хаань, ошохо гэдэжэ, "Мотом" фирмэхэ (Ю. Морозов, Б. Тушемилов) 50 миллион түхээр спонсорой туһаламжагаар, ябаха гэхэмнай, мэргэжэлтэй үгтэхэ мүнгэмнай хомдошобо.

мүнгэгүй байгаа бшуу, өөһэдыһихидтөө үгэжэрхибэ. Энээн тухай гомдолой мэдүүлгэнүүдые "Мотомой" хүтэлбэрилэгшэдтэ "Тоонтын" уран найханай хүтэлбэрилэгшэ Цыпилма Батурова, ансамблин наһажал дуушан Цымжит Мункуева гэгшэд бэшэ. Гэбэшье туһалхаяа оролдоһон "Мотомойхидто" баяр хүргэнэбди.

Хэды наад түбэгэй ушараанье наа, бурхан туһалжа, буян зол тудаж, "Тоонто" ансамблин гэшүүдые Улаан-Үдэ хотын мэриин (В. А. Шаповалов, И. В. Куриленко), "Викторинтур" гэнэн турфирмэ (З. Л. ба В. П. Бухаевтан) дэмжэжэ, Америкын Калифорниин штатогохо золтой байгаади. Эдэнэй аша туһа аргагүй ехэ гэжэсэгнэнэбди, баясанабди.

Улаан-Үдэһөө сентябриин 5-да зүүн зүг тээшээ - Хабаровск хүрэтэр хоёр хахад сүүдхэ соо поездоор хүнхингэдэн ябажа, Зүүн хизаарай гоё байгааһие, хото хүдөөе сонхоорнь харан һонирхожо, хүхилдэн дуулалдажа, эдэе хоолоо хубаалдажа, эбтэй зетэй-

лоор, мүнгэ зөөрээр олон фирмэнүүд туһалаа. Тэдэнэй дунда "Дали-маркет" гэнэн АО-гой (генеральна директор Б. Х. Ешеев), "Антарес-Б" фирмын (Б. Г. Бальжиров), "Алтан" магазинай (Е. Ш. Дылыкова), "Худалдаа наймаанай-промышленна палата" (Г. М. Бербидаев) хүтэлбэрилэгшэдтэ гэр бүлын ансамблинхид үнэн зүрхэнэй баярые хүргэнэ.

АМАР МЭНДЭ, САН-ФРАНЦИСКО!

Хабаровск хотодо хүрэжэ хоноод, хубиингаа мүнгэ аэропортын нэлгэлгын банкда американ доллар болгоод, Хабаровск - Анкоридж - Сан-Франциско гэнэн шэглэлээр Аэрофлотойнгоо самолёдоородоошье арбуулаа нуужа, хүбэн үүлэн дээгүүр ниидээбди. Маанадтай мэдээжэ уран зурааша, республикын Гүрэнэй шангай лауреат Чингис Шенхоров ошолдоо. Самолёт соомнай ажаллаһан урин дулаахан үгэнүүдтэй, һөөл зохидхон стюардесса басагад бидэниие амтан эдэе

Доромнай хүбэн сагаан үүлэнүүдхээ, хүхэ сэнхир далайһаа, зарим тээ бии болоһон газарһаа бэшэ ондоо юумэн харагданагүй хэбэртэй, "аян замнай аша туһатай, харгымнай амгалан, аза талаантай байг лэ" гэжэ бултадаа аман соогоо бурхандаа мүргөөд, зүрхөө дараад нуунабди. 6 час болоод хүни багта Аляска арал дээрэхи Анкоридж хотодо буубабди. Часай туршада амаржа, супер-магастинуудаар ябажа һонирхобобди. Гарай бэлэг, болохо юумэнүүд - ном, хубсаһан дээрэнь Аляскын һүдэ тэмдэг болохо шононууд зураатай байха юм.

Час амарһанай һүүлээр самолёттоо дахин нуужа, 4 час тухай ниидээд, хүрэхэ газартаа одоол хүрөөбди. Сан-Франциско хотын аэропортын угтамжын лининүүдээр (Хитадай, Малайзийн, (Россин гэжэ үгы байна), Украинын, мүн лэ Энэдхэгэй г. м.) нэгэ-бага төөрибэбди. Эндэ ерэхэдэмнай, нэгэ албатан шалгалта хэбэ. Элдэб наркотигуудай, эдэе хоолой үнэр хайн мэдэхэ, тэрэ албатанаймнай багахан хаб нохой сүүмхэнүүдыемнай үнэрдэбэ. Чөмөдануудаа хүлэжэ байхадамнай, хүршэ байһан американцуудаймнай сүүмхын хажууда үнөөхи нохоймнай нуушаба, удаань тэдэнэй сүүмхэнэе яблока гаргагдаба. Бидэ булта хүхилдэн энээлдэбэбди. Бидэниие угтахэ зониие хүлэжэ, ханаата боложо байтарнай, одоол тэндэхи фирмын хүтэлбэрилэгшэ Елена Розкина (Москвада өөдөө болоһон, 4 жэлдэ эндэ, Сан-Францискада үбгэнөөрөө суг хүдэлнэ. 5-дахэ жэлдээ США-гай эрхэтэд болохо юм хаш. Тэрэ бидэндэ баясан дүтэлнэ, бидэшье тамуужан гаража, тэрэнэй гэр бүлын хоёр хүнгэн машинада нуужа, Сан-

Францискын дардам харгыгаар гүйлгэдэбэди, сайбар үнгэтэй гоё найхан хоёр дабхар гэрнүүдтэй урилдажа байһандал ханагдана. Нэгэ машиныень Виктор үбгэниинь нүгөөдыень хамганиинь жолоодоно. Бидэ сонхонуудаарнь элдэб мэдээсэл - урянуудтай байшангуудые, магазинуудые, ноб ногоон ургамалнуудаар халбаржа байһан үйлсэнүүдые, хүн зониие һонирхон хараһади.

"Сайн, амар мэндэ, Сан-Франциско!" гэлдэн, "Кастл Инн" гэжэ нэрэтэй зохид буудалда - 3 дабхар мотельдэ орожо, ехэ найнаар түбхинэбэбди. Доромнай харахада, 1-дэхи дабхарай доро автомобильнуудай байра түхээрэгдэнхэй. Хоёрдохи дабхарһаа хүршэ байрын үзэсхэлэн гоё, ямар бэ даа үлгэрэйхидэл адли ехэ найхан сэсэрлигтэй, амарха газартай бишыхан саад хаража гайхабабди. Энэ хотодомнай эгээл зунай хаһа түлэг дундаа байгаа бшуу.

Һонин гэхэдэ, нэгэшье үдэрөө гэнгүй амаралтын үдэр Америкэдэ ерэхэн аад, тэрэл үдэртөө Сан-Франциско хүрөөд байгаа бэшэ гүбди. Түрүүшын үдэр Сан-Франциско хототой дүтөөр танилсабабди. 730 мянган хүнэй ажаһуудаг үзэсхэлэн найхан энэ хотодо жэл бүри 13 миллион аяншалагшад ябажа байдаг байна. Тиимэхээ аяншалгын аша туһаар хотынхид ехэ олзо олодог гэжэ мэдэнэбди.

Баруун тээһэнэ Номгон далай, зүүн тээһэнэ Сан-Францискын тохойн уһан тойронхой. Һонин гэхэдэ, эндэхи субтропигой уларил хотын хуби бүхэндэ ходал хубилжа байдаг юм байна: нэгэ тэнь наран шаража, нүгөө тэнь манан унанхай, харин үшөө ондоо тэнь хүйтэн байха юм. Эндэхи зунинь хүйтэбтэр (16-17 градус дулаан болодог), тиимэхээ Сан-Францискада эгээл хүйтэн зун гэжэ Марк Твен хэлэнэ байдаг. Тиибэшье эндэ пальманууд, бусад үнгын модод ногооржо, сээсэглэжэ байдаг байна.

Гэгээн Францискын хүмын нэрээр энэ хото 1846 онһоо Сан-Франциско гэжэ нэрлэгдэнхэй, анхан испанцуудай ерэхэ үеэр "Уербо буено" (үнэртэй ногооной нэрэ) гэжэ энэ хото нэрэтэй байгаа. Колумбын Карибска далайгаар Гаити ерэхэ үеһөө испанцууд 50 жэл болоод, "газар дээрэхи диваажан" гэжэ нэрлэгдэдэг Калифорниие олоһон юм ха.

Б. ОРБОДОВА.

ЗУРАГУУД ДЭЭРЭ: "Тоонтын хуг" Сан-Францискын гэгээн хүмын дэргэдэ; Х. Колумбын хүшөөгэй дэргэдэ.

Авторай фото.

(Үргэлжэлэлын хожом гараха).



Медведевич Санжинай түрэхөөр 85 жэлэй ойдо

Балдан САНЖИН

СОНОСХОЛ

Нэгэтэ зун автобусой остановкын хажуудахи столбдо тетрадин хуудаһанай хахад няалтатай байхыень обеорбоб. Ойронь ошожо харахадамни, үхибүүнэй гараар бэшэгдэһэн соносхол байба. Үхибүүн хадаа тиимэ доро няаһаниинь мэдээжэ. Дахин дахин уншааб. Иигэжэ бэшээтэй "Барас гэжэ нэрэтэй миисгэй "Салют" лагерьһаа үгы болошоо. Сахигар сагаан зүһэтэй, хоёр шэхэнэйн, һүүлэйн үзүүр хара. Номхон зантай, наранда игааха, наадаха дуратай. Яһагүй загаһа, түүхэй мяха, үндэгэ эдидэг. Кранай хүйтэн уһа, һү үгэхэдэ дуратай. Баруун шэхэниинь үбшэн. Хүнэй гасаалхада, доромжолходо уурладаг. Барһаниие бү гасаалатгы! Хорогүй, хайн амитан".

Энээниие уншаад, ямар бодол түрэхэнөө бү хэлэхүү - хуу эли ха юм. Иимэ соносхол түрүүшынхиеэ харааб.



Үхибүүдтэ зорюулагдаһан бүтээлнүүдһээн

ХҮШӨӨ

Хэл нэгдэхэ класс дүүргэһэн Туяана нэгэтэ үгэ дуугүй, һуһаһаар гэрэгэ оробо. Бусад хаамни, яагаабни, юундэ муудаабни? Үгэ гасаалаа гү? - гэжэ үбгэн абань Шаригнай асууба.

Шаригнай... - гээд, Туяана һанһа адан, хуулашаба.

Шаригнай яагаа гэнэи? - гэжэ үбгэн аба аядаба.

Шаригнай машиндаа дайрагданшоо.

Ай, барһан! Хайһан гээд, хаана дайрагданшооб? Ухаатай, бэрхэ нохой һэмнэй.

... - гээд, үбгэн абань бодолгото болобо.

Шоссе дээрэ Зориг Вася хоёрой шайба тэдэниие болиулаха гэжэ һаб-һаб хусан, үбгөн гүйжэ ябаһаар, оороо машинын дайрагданшоо.

Үбгөн хаанаб? Амиды гү?

Шоссе... Тэрэ дороо татаганаһаар үхэншоо Ошожо харааб. Хэлэе гарганхай хэбтэнэ. Шаань шуһан гараа, - гээд, Туяана нодонһөө хуулашулба.

Яһан хайратай юм! Холоулан ошожо, үбгөн асарай. Бэсыеһе һайһан хадагалха, үбгөн үбгөн хэрэгтэй. Һайдаа һенсидэ гарахаб. Тэрэ дээрэһе һамтаник табихаб! - гэжэ үбгэн ууһараад, гарахана залдаба.

Шоссе хуу хоёр уданһыггүй хайрата Шариггаа үбгөн ороо асараад, дүмүүхэнээр табихаб. Тиигээд үбгэн аба гэрэйнгээ тэрэ Шариггаа хадагалха нүхэ малтажа оробо. Гэжэ байхадаа, аша басагандаа иигэжэ

хооронэ:

- Нохой гэшэ хүнэй хайн нүхэр юм. Дайнда ябахадаа хүндөөр шархатаад, яама соо хэбтэхэдэһи нохой олоһон юм. Би бүһээ гэрэ нохойн бойлогоргоһоо арай гэжэ уяаб. Тиэхэлээрни гэрэмши намайгаа шэрэжэ, бинь мүлхижэ, арай арайхан өбхэдэһидгөө хүрөө һэмди. Тэрэгүй һаа, гэндэ хосорхо байгааб Яама соо хэбтэе ха юмөиб, манайһи харангүй үнгэржэ магад һэн. Амиемни абарһан нохойдо һамтаник табихаб гэжэ бодожо ябадагби. Мүнөө тэрэ нохойдо, Шариггаа һамтаник табиха болобо.

Тэрэ нохойтнай яагаа һэн бэ? - гэжэ Туяана һанаанархаба.

- Мэдэнгүйб. Би тэндэһэ госпитальдо ороод, частыдаа бусаагүйб. Удангүй дайг дүүрээ. Мүнөө тэрэ нохой амиды бэшэ ааб даа. Үни болоо ха юм.

Манай Шариг бага үхибүүдэй бүмбэгэ эрыюулжэ гү, али шайба сохижэ, шоссе дээрэ гарахадань, хусажа ябаад, урдань ородог һэн. Тиэхэдэ "Бусатгы! Аюултай!" гэдэг байгаа ёһотой. Тэрэниие үхибүүд ойлгодог һэн. Тээд үхибүүд булга һэргэлэн, үгэ дууласатай бэшэ ха юм. Мүнөө тээд хоёр тоомгүй хуушүүдтэ һанаагаа зобожо ябаһаар, оороо хосорбо ха юм. Ямарһы нохой нимэ ухаатай ха юм, - гэжэ Туяана бодолгото болонгөөр хэлэбэ. - Һамтаник табихадаһни би туһалхаб!

- Зүб даа, ашахамни, хайһан һамтаник табихадаби. Минии танил уран зураһна, дархан хүн бии. Тэрэнтэй зүбшэжэб, - гэжэ үбгэн аба.

ХУҺАН ОЙ

Хуһан модон хаанашье элбэг. Хуһан ойһыне бии. Бэшэ мододтой холисолдонһые ургадаг.

Лабдулаарһан хойно, майн тэнгэр хойно, хуһан цогооржо эхилдэг. Үйһэниинь бүри үнгэ гэрэл орон сахиддаг. Дабирхайлиг жэбжэһэн ногоон һабһаһадынь задараад, үдэр ерэхэ бүри үргэжэн, модон түглэгэр ногоон болоно. Һалхинай үгыһые хада, халта хүдэлһэн һэбһэнэндэ уяхан һалаа мүшэрнүүдын һалһаналдажа, хамаг һабһаһадынь һабһаһадажа байдаг.

Газарай хүрһэнэй дээдэ талын дулаасахалаар, хуһанай холтоһон доро амтатайхан шүүһэн-һалхи бии болоно. Тэрэ һэмһэтэй һэриюухэн, бээдэ туһатай

ундые хэнһые туршажа болохо. Нэгэ час зуура глюкозоор баян шүүһэн стакан дүүрэгэр гоожохол. Зүгөөр холтоһыень олон газар һэһшэхэ хэрэггүй. Нэгэ соорхой хүрэхэ. Садатараа уугаад, нүхэлһэн сараагаа вараар шабаад орхихо юм. Тэрэгүйдэ хайран модон гэмтэжэ болохо бшуу.

Хуһанай һалхида тоншуульһые тагааламтай юм - холтоһыень гүхэрэһэнээр соо тоншоод, шүүһыень амтархан шэмэнэ. Мүн хэрмэһые энээгээр ундаха дуратай.

Гал носоохоео гү, али хэрэггүйдэ үйһыень хуулаһан дээрһээ хатаһан хуһад ой соо ушардаг. Манай баялиг болохо хайһан хуһан модо гамнаха хэрэгтэй.

АРШААН БУЛАГ

Аршаан булаг бии гэжэ хадаа нэгэтэ ошобобди. Ябахада яһан зохид Халашагүй хайһан Жэжэжэн хуһайнуудай жэрьһэнэе ороһа шэмээн үгы. Хэрмэн, хаа-яа модонтой модоур зурагад гэлдэнэ. Үбгөн ургадаг модо тэрэ хуу бии гэхэдэ болохо: хуури, парһан, шэнһэн, улаһан, бургаһан. Тэрэ ургамалнууд - мойһон, долоогоно, нохойн мод, үхэр модон, улаһана модо. Мүн пэрһэнэй, һанай эһэнүүд, арса эндэ хибэс мэтэ дэлгэтэй. Үбгөн сэгсгээд байһан хада хоёр заримдаа ягааран модо.

Мүн, хайһан хүнды даа. Аршаан булагтэ хүрөөбди. Хоёрини гурбан бүдүүн хуу узуурай хонхосог гараад, уруудам уруу булаг байна. Зүгөөр булаг ехэ уһатай аадар булагтэ тэрэ багтань үри

мухарья хашь. Булагтай һаба соо борбоосгой, шэнгэрһэ, шорой дүүргэжэрхэб. Уһаниинь арай арайхан элбшэн гараад, урдаа болоно. Хайрагай.

Бидэнэр дарамта бургаһыень гараараа һабардан, арилгажа оробобди. Уһанайһы хүйтэн гэшэ! Гар удаантэһэнгүй. Уһан улам улам хүсэтэйгөөр бурьялдаг болоно. Тиэхэдэһи бүри урмашаабди. Тиигэ тиигэһээр хуу сэбэрлэжэ, бургаг шэнгэрһэ, борбоосгойень эрьһэнэнь холодуулабди. Амарһагаа хажуудань һууабди.

Булаг үе мүсөө гэһидгэһэндэ, улам эрһэтэйгээр бурьялаад, тунгалаг уһага урдахуулна. Бидэнэр кружкаараа удхажа, уһа уунабди. Һэмһэтэй гэшэнь. Хэрһые хүйтэн хадаа зосоо дааруулнагүй, гэдэһэ дүүргэнгүй. Иимэл хадань Аршаан булаг гэжэ зон нэрлэһэн байгаа ёһотой.

Бусалган дээрэ: "Аршаан булаг, баяртай булаг, баяртай, дахин уулзагараа!" - гээд, хажуудань зогсообобди.

Тиэхэдэһи бидэндэ баяр хүргэһэндэ мийһэржэ, жэгдэхэнээр мэлмэржэл байгаа һэн.

Энээнэй хойто тээ һара тухай болоод, Аршаан булагтаа дахин ерээбди. Тэрэмнай өөрөө ямарһые усалда ороогүй, ариун тунгалаг уһага мэлмэрүүлжэл байна. Гэбэһые, дүтэ тойронхи газарынь зүдэрүү. Үбгөн ногоониинь үльтилэгдэнхэй. Һөөг бургаһанууд хухаранхай. Һабһа намаатай ногоон мүшэрнүүд эндэ тэндэ хэбтэнэ. Таһархай газетэнүүд, консервын банканууд, шэлэй хэлтэрхэйнууд зүндөө. Хэдэн газарта гал түлһэн хэбэртэй: бухалай һууриин зэргэ түхэрэһэн хара сараанууд, дутуу дүрлэһэн сусалнууд харагдана. Иимэ хайһан ой соо, тунгалаг булагтай хажууда хүнүүд амарха, һэргэхэ ёһотой юм бээ. Тээд юундэ иигэжэ зугарааха юм гэжэ гайхалсаа бэлэйбди.

Уһан далай булагһаа эхитэй, ухаан эрдэм номһоо эхитэй гэдэг ха юм. Булаг бузарлажа болохогүй.



ЗУРАГУУД ДЭЭРЭ: 1. Александр Жамбалдоржиев, Балдан Санжин, Никифор Рыбко гэгшэд. 2. Балдан Ябжанов, Цокто Номтоев, Алексей Уланов, Балдан Санжин гэгшэд уран зохёолшодой суглаанай үедэ.

Гэр бүлын альбомһоо фото.

